

Газет 2001-йисан  
ноябрдилай акъатзава

РД - дин Докъузпара райондин общественно-политический газет.  
Общественно-политическая газета Докузпаринского района РД.

# Эренлардин СЕС

№43 (817) 25-Октябрь, арбе, 2017-йис. Почтамтдай зур йисан къимет - 226 манат

Юбилей

## Чи дередин баркаллу хва

*(Дивизиядин командир, полковник*

Хийирбег Демирбекович Заманов дидедиз хъайидалай инихъ 110 йис тамам хъуниз талуку яз.)

Вагандин Чехи дяведин йисарин лап къилин командующий Сталинан приказда икI къалурнава:

“Сад лагъай Украинский фронтдин, къилин командующий Советрин Союздин Маршал Коневаз, фронтдин штабдин начальник, армиядин генерал Соколовскидиз”.

Ахпа текст къевезва: «Сад лагъай Украинский фронтдин къушунри къати женгера, душмандиз гъужумра рум гана. Къе 1945-йисан 2- мартдиз Силезия уьрушра авай душмандин мягкем сенгеррилай элячIна, абуру Штерлен ва Рыбник шегъерар къачуна.

Штерлен ва Рыбник шегъерар къачудайла, лап къизгъин женгера иштиракна, генерал-полковник Родимцева, генерал-майор Бакланова ва полковник Заманова регъбервал гузвай къушунри чпин викIгъ ва дурумлу ерияр къалурна».

Хийирбек Демирбекович Заманов 1907- йисуз Усугъчай хуьре лежбердин хизанда дидедиз хъана. Адан ери-бине Каракуьредин хуьряй эгечIзава. Хийирбеган буба Демирбек криви



тир. Жегъилзамаз иесияр къилелай алатай жегъилдин зегъметдин уьмуьр 11 йисалай башламишна. Сифте ада чубанвиле, ахпа Азербайжандин ветегада, 1924- 1929-йисара хайи райондин идарадин фялевиле кIвалахна.

Хийирбек ва Рубас Замановар къве стха авай. Яшайишдин четинвилериз килигна 1929- йисуз къве стхани, чпин хушуналди фялерикай ва лежберрикай тешкилнавай, тухдиз тIуьнар ва

алукулай пек-партал гузвай Яру армиядин (РККА) жергейрин аскервилин къуллугъдал акъвазна. Хийирбекакай 28- ягъунардай Дагъдин дивизиядин, 83 - ягъунардай полкунин аскер хъана. Адан стха Рубасан гелер фад квахъна. Гуьгъуьнлай Хийирбегаз вичин стха гьалкъада авай Ленинград патал къиле фейи женгера телеф хъайиди чир хъана. Уьмуьр вичин цIиргъина аваз физвай.

1931- йисуз Оржоникидзедин пехотадин училищедиз гъахъай Хийирбега, 1934- йисуз хъсан чирвилер авай аскер яз, вичин кIелунин йисар акъалтIарна. Гъа икI, 1934- йисалай адан аскервилин четин къайгъуйрив ацIанвай уьмуьр башламишна. Гъамиша кIвачел ва мукъаят яз акъвазна, йикъан архайинвал ва йифен ахвар авачир Хийирбег Заманован аскервилин къуллугъ жергедин аскердилай полковникдал къван фена. 1941-йисан декабрь, 1942-йисан январдин Москвадин кIаник





фейи лап кызгын, гзаф чанар телеф хъайи хуьтлуьн варцар, гзаф ветеранрин рикелалама. 1942- йисан 1- январдиз Хийирбек са десте аскерарни галаз Варваровка хуьр галайвал разведкадиз фена. Адан вилик акъвазнавай начальстводин эмир : “ГыкI кIандатIани рахадай душмандин “мез” гун тир. Лап къати гару, нефес къачудай сесни яргъаз тухузвай” йифен вахт тир.

Замановахъ галай разведчикри хабарсуздаказ сенгерра акъвазнавай немсерин аскеррикай есирвиле къур пуд аскерни са офицер галар хтана. Абуру душмандин гьерекатрин сир ачуна. Душмандин гьерекатдин сир дуьздал акъатун себеб яз, Заманова регьбервал гузвай полкунни Можайск шоссе кIевна, 2000 офицер ва аскер, 6 танк ва гылин 25 пулемет тергна...»

1945- йисан 21- мартдиз В е р х о в н ы й Главнокомандующийди, I Украинский фронтдин командующий, Советрин Союздин Маршал Коневаз, фронтдин начальник Соколовскидиз рекъе тунвай приказ “Боевая Красноармейская” газетда чапнавай. А приказда чиватангыли Заманова регьбервал гузвай дивизияди Силезидин шегьерар къачудайла, авунвай тафаватлу къегьалвилерни къалурнавай. Бажарагълу хва Х.Д. Заманован дивизияди Одердал алай, гужумдикай хуьдай немсерин даяхдин пунктар терг ийидайла, тухвай кызгын женгерикай 1945- йисан 31- апрелдиз чапдай акъатнавай “Винницкая правда” газетда кхьенва. И юкьуз Заманован дивизия 120 тупунин залприн гьюьрметдин салютралди Москва шегьерда къаршиламишна.

Ингье, госпиталда къатканвай Замановаз дустуни ракъурнавай чарчин са чIук: “Багъа тир дуст! Вирида еке тир гьюьрметдив ви тIвар къазва. Чна тIалабзава Аллагьдивай вун фад-фад сагълам хъхъана къушунрин жергейриз хтун. Ставилелди ваз вирида чухсагъул лугъузва, чи играми тир «Багратион». Ви дуст Игначев 26.03.1944г”.

А чарчиз вичин тарих ава.

1944- йисан февралдиз Заманова регьбервал гузвай

полкунни Тернополь шегьер азад хуьвур женгера иштиракна. Къиле фейи кызгын женгера полкунин командирдал залан хер хъана. Иви авахъна физвай Заманова вич медсанбагдиз рекъе твадалди, женгиниз давам гана. Адан дяведин йисарин дуст Игначева 1944- йисан 14-апрелдиз ракъурнавай муькуь чарче обронадин Наркомдин приказдал бинеллу яз, Верховный Командующийди ам “полковник” тварцIиз ва Суворован ордендиз лайихлу хъанвайди кхьенвай. Х.Д.Заманован полкуниз, «Багратионан полк» лугъузвай: аквадай галарай адан викIегьвилиз, уьтквемвилиз, къагьриманвилиз килигна, адаз Багратион лугъузвай. Багратион вич кызлярви 1812- йисан сердер, къегьал хва тир. 1945- йисан 28- мартдин, хъпи рангуни къунвай искIи хъанвай “Боевая Красноармейская” газетда еке агалкъунар хъайи Ратибор ва Бискау шегьерар душмандикай азаддайла, къетIен артухвал хъайи командующийрин тIварар къунва. Абурун жергеда викIегь дагъви хва Заманов Хийирбек Демирбековични ава. Хайи ерияр, Каракуьредай тир хва Заманова 3 шегьер душмандикай азадна. Са шумуд йис алатайла, виликан Сад лагъай Украинадин фронтдин “Правда” газетдиз акъатай макъалада кхьенвай: “Кызгын женгера “Сандемивров” тIвар алай майдандал, юкьван фронтдин къушунри гьар са чIиб чил патал къати женгер тухвана. Пуд къад лагъай армияди Дембиц шегьер азад хуьвуна. А вахтунда Верховный командующийдин приказдалди Дембиц шегьер азад хуьвур генерал-майор Жадован, полковник Хийирбек Заманован еке тир гюнарар къалурна ва гюьрметлу чухсагъулдин келимайралди лагъана”. Адан дяведин йисарин игитвилер лап вини дережадин орденри ва медалри тестикъзава. Ам Ленинан, Дяведин Яру пайдахдин, Суворован, Кутузован, Александр Невскийдин, Ватандин дяведин I- дережадин ордендиз, Яру гьетрез ва хейлин медалриз лайихлу хъана. Атана Гъалибвилин югь алукъна. Заманов хайи Дагъустандиз хтана. Ада вич пенсиядиз фидалди вичин

полковникдин форма хутIуннач. Буйнакскда ва Махачкъала шегьерра аскервилин къуллугъдин комиссариатриз регьбервал гана, ада баркаллу Ватан хуьдай аскерар гъазурна.

СССР-дин журналистрин Союздин член Н. Ханкишиева рикел хкизва: “Татфарин гуьлуьшан югь тир. Краснофлотск куьчедин гъаятда авай тарар шагьвардив рахазвай. Тарцин сериник квай столдихъ чарар гъилелай ийиз алукънавай Хийирбек Заманов. Ваз гзаф чарар кхьизвани? - лагъана хабар къуна за, адавай салам гайидалай гуьгъуьниз, - тестикъзава Ханкишиева.

-Ваь, хва лагъана гъил яргъи авуна хъиз, ада зав чар вугана. И чар дяведин дустунин патай хтанвайди тир. А чарче кхьенва: “Гъалибвилин югь себеб яз, къе Москва шегьерда 304- Яру пайдахдин Житомирдин дивизиядин ветеранар кIватI жезва. Чна квевай тIалабзава Москвадиз агун”. Муькуь чарче Украинадин пионерри адан шикил музейдиз тIалабнава. Пуд лагъай чарче дяведин гелер жагъурзавай Львовдин алимрин са дестеди Заманован дивизиядихъ хъайи, дуьздал хкиз хъанвай, дявейрин операциьрикай кхьенвай. Ханкишиева рикел хкизва: «Заманов рагъметдиз фейила, митингдал хъайи рахунар: анал рахайбуру лагъана: “чавай къакъатна лап багъа инсан, къегьал аскер, гъахъ гвай коммунист, викIегь ватандаш ва вири миллетрин гьерекатриз къуват гузвай хва Хайирбег”. Ватан патал чан эцигай викIегь хва Х.Д. Заманован тIварцIихъ Усугъчайдин юкьван школа ва Махачкъала шегьердин са куьче гала.

Чи чилинви, дивизиядин командир Х.Д. Заманов 1983 – йисуз рагъметдиз фена. Ам Махачкъала шегьердин М. Ярагъвидин тIварунихъ галай куьчеда авай мусурманрин сурара кучуднава.

Къегьал, бажарагълу, дагъви хва Х.Д. Заманован тIвар чи уьлкведин гьар са пипIе хушунивди къазва.

Эдуард ГЪАЖИБЕКОВ



## Шииратдинни манийрин межлис

2016-йисуз Дагъустандин Къилин къарардалди 21-октябрь Дагъустандин медениятдин ва члаларин югъ яз тестиқарнай. Ци къвед лагъай сеферда къейд авур и цийи сувар лезги эдебиятда яргъалди фикирда амукъдай гел туна.


21-октябрдин нянин сятдин 3-даз Ахцегърин Медениятдин къвалин гегъенш залда Дагъустандин медениятдин ва члаларин йикъан сергъятра аваз лезги манийрин ва шиирин гурлу межлис киле фена. И юкъуз Азербайжандай лезги шаирин са десте мугъман хъанвай: «Алам» журналдин къилин редактор Камран Къурбаналиев, «Марвар» эдебиятдин къватлалдин къил, алай аямдин машгъур шаир Эйваз Гуьлалиев, журналист, этнограф Абир Тагъиров, шаир Зерифа Къасумова, таржумачи Бести Нефтиева, манидар Магъира Ширинова.

Малум хъайивал, «Марвар» эдебиятдин къватлалдин векилар Ахцегъиз и райондин къил Осман Абдулкеримован теклифдалди атанвай.

Эйваз муаллимдин теклифдалди и хъсан межлиса иштиракдай бахт зазни хъана. Гъеле мярекат гатлун тавунмаз агъалийри залда чпиз чкаяр къазвай. Анин ракларар вирибуруз пулсуздаказ ахъа тир. Вад-цлуд декъикадилай акуна хъи, зал ацланва. Аквадай гъалда, ахцегъвийриз мукъвал вахтара шииратдин межлис акунвачир.

Межлис ачухай Медениятдин къвалин къуллугъчиди Азербайжандай атанвай мугъманриз сегънедиз эверна. Сифте гаф Ахцегъ райондин къилин заместитель Алмас Шуаеваз гана.

Ада къватл хъанвайбуруз Дагъустандин медениятдин ва члаларин югъ тебрикна, лезги эдебиятдин къадимлувиликдай, Азербайжандинни Дагъустандин алакъайрикай ихтилатна. Мугъманрихъ элкъвена вичин ва



райондин къилин патай сагърай лагъана.

«Лезги эдебият вилик тухузвай шаирриз, къелемчийриз гъамиша гъуьрметна кланда», - лагъана А.Шуаева.

Мярекат киле тухун Камран Къурбаналиеван ва Эйваз Гуьлалиеван хиве туна. К. Къурбаналиева тебрикдин гафарилай къулухъ «Алам» журналдикай, «Марвар» къватлалдикай, четинвилеризни фикир тагана, тухузвай къвалахрикай умуми ихтилатна.

Микрофон явлалу шаир Э.Гуьлалиеван гъиле гъатна. Рахун шиирдиз элкъвенвай ватанэгълиди гъа сифте декъикадилай залда ацукънавайбур гъейранарна. «Дидед члалал зуракл рахун гунагъ яз» гъисабзавай, хайи члалал, шииратдал къелелай къару, «лезги шиир машгъулатдин ваь, кар я зи...» лугъузвай шаирди гъевесдивди шиирар клелна.

Нубатдин гаф шаир Зерифа Къасумовадиз гана. Адани вичин цийи шиирар клелуналди ахцегъвийрин гуьгъулар ахъайна. Манидар, композитор Магъира Шириновади сифте «Дагъустан» тлвар алай мани, Ахцегърин медениятдин къвалин гъевескар манидарри «Дагъустан – Азербайжан» мани таммарна.

Лезги члалай урус члалаз шиирар таржума авунал машгъул

Б.Нефтиевади сегънедал лезги шаирин шиирар сифте лезгидалди, ахпа вичи авунвай таржумаяр урусдалди клелна.

Гуьгъуьнлай Ахцегъай тир шаир, «Лезги газетдин» мухбир Ахцегъви Сулеймана вичин «Лезги халкъ» шиир клелна, и царарин авторди Лезгистандай Лезгистандиз атанвай мугъманар тебрикна, «Алам» журналдин къуллугъчийри члал патал, халкъ патал, меденият патал, эдебият патал нелай хъайитлани алакъ тийидай къвалахрикай тухузвайди къейдна.

Камран Къурбаналиева Ахцегърин ктабханадиз чпин патай Азербайжанда эхиримжи йисара акъатнавай лезги шаиринни гъикаятчийрин цийи ктабрин хара, «Алам» журналдин саки вири нумраяр пишкешна.

Журналист, этнограф Абир Тагъирова къадим Ахцегърикай итижлу ихтилатарна.

Мугъманри анжах чпин шииррихъ, манийрихъ ваь, чкадин шаиррихъ, манидаррихъ яб акалдай мумкинвални гана. Икл, жегъил шаир Жамиля Саидовади, яшлу шаир Лга Энвера, Эльдар Адилханова таъсирлудаказ чпин яратмишунар клелна.

Эхирдай Камран Къурбаналиева чпиз теклиф авунай





райондин кьиле авайбуруз, иштиракчийриз, межлис кьиле тухуз куьмекар гайибуруз сагърай лагъана.

Мярекат саки пуд сятда кьиле

фена. Ахцегъвийри «иштягъдивди» яб акална, лезет хкудна. Манияр тамамарайбур, шиирар клелайбур гурлу капаралди кьабулзавай. Са шакни алачиз, и шад межлис ва

Азербайжандай атай мугъманар ахцегъвийрин риклера яргъалди амукьда.

Куругъли ФЕРЗАЛИЕВ



## РЕСПУБЛИКА ДАГЕСТАН МО «ДОКУЗПАРИНСКИЙ РАЙОН»

368750, сел. Усуччай Докузпаринский район РД email: dokuzpara@mail.ru тел.22-385, факс (8-(87)-269)-22-337

№ 70а

от 02. 09. 2017г.

### ПОСТАНОВЛЕНИЕ

#### «О принятии полномочий по созданию условий для организации досуга и обеспечения жителей поселений услугами организаций культуры»

В соответствии с абзацем 1 части 4 статьи 15 Федерального закона от 6 октября 2003 года №131-ФЗ «Об общих принципах организации местного

самоуправления в Российской Федерации», на основании протокола совместного совещания с главами сельских поселений от 04.09.2017 года и Устава МО

«Докузпаринский район» Администрация МО «Докузпаринский район»

#### постановляет:

1. Принять полномочия по созданию условий для организации досуга и обеспечения жителей поселений услугами организаций культуры с уровня муниципальных поселений на уровень муниципального района.

2. МКУК «К,ЦП» (Бабаев Б.К.):

- до 15 сентября 2017 года обеспечить заключение с поселениями соглашений о передаче полномочий, указанных в пункте 1 настоящего постановления;

- после заключения соглашений о передаче полномочий обеспечить проведение мероприятий, связанных с

реализацией переданных полномочий.

3. Уполномоченному по делам земельных и имущественных отношений МО «Докузпаринский район» (Меджидов М.З.) совместно с МКУК «КДЦ» обеспечить принятие имущества, передаваемого поселениями, на баланс МКУК «КДЦ».

4. РайФУ (Аскерова Т.Д.) обеспечить проведение мероприятий, связанных с обеспечением финансирования переданных полномочий, включая внесение изменений в бюджет района.

5. Настоящее постановление

вступает в силу со дня официального опубликования.

6. Опубликовать настоящее постановление в газете «Голос Эренлара» и на официальном сайте Администрации МО «Докузпаринский район» в сети Интернет.

7. Контроль за исполнением настоящего постановления возложить на Исмаилову С.В. - заместителя Главы Администрации МО «Докузпаринский район».

Глава МО «Докузпаринский район»: А.М. АЛИСКЕРОВ

## Госавтоинспекция МВД по РД сообщает...

Управлением Госавтоинспекции МВД по Республике Дагестан неоднократно обращалось главам муниципальных органов власти и руководителям территориальных подразделений МВД с предложениями о необходимости принятия

экстренных мер по профилактике аварийности с участием бродячих домашних животных (крупный и мелкий рогатый скот, лошади и т.п.). Однако, эти проблемы видимо их мало беспокоят, так как количество автопроисшествий, связанных с домашними животными

продолжает расти.

Так, из-за выхода на проезжую часть дороги, в основном на участках федеральных автомобильных дорог, где наиболее





высокие скорости движения автотранспорта, только в текущем году допущено 46 наездов на домашний скот, в которых 20 человек получили различные травмы, в том числе и 3 несовершеннолетних детей.

В текущем году такие ДТП имели место на территориях Дербентского, Кизлярского, Кумторкалинского, Карабудахкентского, Бабаюртовского, Буйнакского, Кизилюртовского, Лакского, Тарумовского, С.Стальского, Казбековского, Магарамкентского, Хасавюртовского и Чародинского районов, а также в городах Махачкала и Кизляр.

Наиболее опасны случаи внезапного появления домашней скотины на проезжей части скоростных автомобильных дорог в вечернее, ночное время и ненастную погоду, когда водители из-за плохой видимости и отсутствия каких-либо светоотражающих элементов на скотине, заранее не могут заметить появляющееся препятствие.

Так, 27 мая 2017г. в примерно в 20:30 час. на 737 км. федеральной автомобильной дороги «Кавказ», водитель автомобиля ВАЗ-21121 допустил наезд на внезапно вышедшую на проезжую часть

дороги лошадь, после чего на полосе встречного движения столкнулся с автомобилем ВАЗ-217050. В результате ДТП. с различными телесными повреждениями в ЦГБ г. Хасавюрт помещены 4 человека, в том числе и дети 5-ти и 7-ми лет.

14 августа 2017г. в 01:40 час. на 947 км федеральной автомобильной дороги «Кавказ», водитель автомобиля Мерседес «Спринтер» допустил наезд на животное переходящую проезжую часть в темное время суток. В результате столкновения 4 пассажиров автомобиля Мерседес, все граждане Республики Азербайджана помещены в ЦГБ г. Дербент.

Указанные факты свидетельствует об отсутствии контроля со стороны хозяев домашнего скота за их выпасом и возвращением домой.

Одновременно, совершению подобных автопроисшествий способствует отсутствие наружного освещения на участках автодорог прилегающих к населенным пунктам, а также необходимых предупреждающих знаков Согласно требованиям СНиП 2.05.02-85 «Автомобильные дороги» участки автомобильных дорог по населенным пунктам должны обустроиваться искусственным

освещением, так как его отсутствие увеличивает риск возникновения аварийных ситуаций в темное время суток, в первую очередь наезд на пешеходов, животных и препятствий и т.п.

В связи с изложенным, в целях недопущения автопроисшествий с участием домашних животных необходимо организовать профилактические беседы с населением, с привлечением глав местных поселений и участковых уполномоченных полиции, провести биркование (нумерацию) скотины для установления хозяев скота, предусмотреть возможность нанесения светоотражающей краски или элементов - на случай, если животное все же окажется на проезжей части в темное время суток.

Кроме того, необходимо провести разъяснительную работу с населением, руководителями фермерских хозяйств, прилегающих к автодорогам предупредив их, что при совершении ДТП с участием бродячих домашних животных, ответственность несет их владелец.

**Главный государственный инспектор безопасности дорожного движения по Республике Дагестан:**  
Е.В. Нечаев

## **К вниманию предпринимателей!** **Уважаемые предприниматели и желающие** **открывать свое собственное дело!**

Агентством по предпринимательству и инвестициям РД разработана государственная программа РД «Экономическое развитие и инновационная экономика» с подпрограммой «Развитие малого и среднего предпринимательства в РД на 2015-2017гг.».

Администрацией МО «Докузпаринский район» разработана целевая программа развития среднего и малого предпринимательства в Докузпаринском районе на 2015-

2017гг., с целью обеспечения условий для интенсивного развития среднего и малого предпринимательства в районе, создания дополнительных рабочих мест, увеличения объектов производства продукции, роста налоговых отчислений в бюджет и всех уровней; привлечение малого предпринимательства для выполнения муниципального заказа, предоставление адресной методической и информационно-образовательной поддержки малого предпринимательства.

Как успевающие так и начинающие предприниматели могут получать субсидии на развитие малого бизнеса из республиканского бюджета, а также из местного бюджета.

По всем юридическим и консультативным вопросам можете обратиться в администрацию района.

**Главный специалист**  
**отдела экономики**  
**Саруханов А.М.**



## Ислам ва мультикультурализм

Гъа и концепция гражданвилин гьукуматдихъ галаз сигъ алакъайра аваз, чпин гьукуматрин обшестводин, сиясатдин ва экономикадин хилера мусурманриз амай гражданрихъ галаз сад хъиз иштиракдай мумкинвал гузвай гилигнавай идеалогия я.

Россиядин Федерацияда мультикультурализмдин сиясат кьиле тухузвай виридалайни гзаф ачух чешнеяр, ибур юкьван школада диндин бинеяр чирунин тарсар гун, армийра ва душтагъханайра гъар жуьредин диндин къуллугъчир аваз хъун лагъайтIа жеда. Гьукуматда эхиримжи вахтара диндин жемьатар артух жезва. Гьелбетда, Россиядин гьукуматди абурухъ галаз алакъаяр хуьзва, абурун макьсадар кьилиз акъудун патал куьмекар гузва. Адаз чешнеяр – лап гзаф я.

Къенин юкьуз гьукуматдиз диндин тешкилатрихъ галаз,

гражданрин хатасузвал ва обшестводин мягъкемвал хуьдай алакъайрин рехъ арадал гъиз кIанзава. Гъа и месэладиз килигна гьукуматди, гзаф вахтара чиниз чара гьукуматрай къвезвай гъар жуьредин диндин дурумсуз хилерин даях къун тавун, лап дуьз кар я.

Гъавилай, гъар гъина яшамиш хъайитIани мусурманри, гьукуматдин адетдин уьмуьрда иштиракна кIанда. Гьукуматда ислягъвал хъун патал ва исламдин агъалийриз аямдин гьукуматдин обшествода сад хътин ихтиярар аваз хъун, а карда виридалайни гзаф итиж авай дестейрикай сад мусурманар я.

Алай вахтунин мультикультурный дуйня, им акъажунра авай идеалогийрин гъал я ва ина гъалиб хъун патал векъи ва акси къуватралди, я туштIа терсина яз, михъидаказ кьилди хъана ваь, анжах адетдин жуьреда инсанвилин

идеалогиядалди алакъайра хъун герек жезва. Аямдин РагъакIидай патан кьилин къуват исятда, ядерный яракъда, я туштIа маса дяведин техникада авач. РагъакIидай патан уьлквейрин кьилин къуват абурун идеалогияда ава. США-ди ва Европада маса континентрал ишлемишзавай векъи къуватриз ингъе, алай вахтунда гъа чпин уьлквейрин агъалияр акси я. Алай аямда РагъакIидай пата СМИ-дин, цийи медиа, киноиндустриядин ва литературадин куьмекдалди, «рагъэкъечIдай» фронтда гъалибвал къазанмишзава. Гъарданбир мусурманри чпин хайи исламдин гьукуматрилай, Европада ва Америкадин гьукуматра чпин яшайишдин къулайвал гьиссзавайди, фадлай а карди садни тажубарзавач.

Али-гъажи ЭМИРСУЛТАНОВ

### Менфятлу къьса

## «Мискъи» харат устIар

Са гъевчи хуьре, кIарасдай нехшар акъудиз машгъул са харат устIар яшамиш жезвай. Ада кIарасдин тахтайрал иер шикилар акъудзавай ва абур гзаф багъа къьметдай маса гузвай.

Йикъарикай са юкьуз адан устIарханадиз хуьруьнви са кесиб яшлу инсан атана ва лагъана:

- Вуна жуван кIвалахдал хъсан алверзава, амма гзаф къазанмишзавагIани, вуна кесибриз куьмекзавач. Ингъе, килиг чи хуьруьнви къьсабчидиз. Ада гъатта гзаф къазанмиш ийивачгIани, анжах гъар гьикI ятIани, гъар юкьуз ада кесибриз вичелай алакъдай якIун кIус пайзава.

Харат устIарди кисна кесибдаз килигзавай ва гъич са гафни адаз

чуйкънач. Вичиз жаваб тагана акур кесиб инсан, ажугъди къуна нарази яз, адан устIарханадай экъечIна хъфена. И вакъиадилай къулухъ хуьре, гуя харат устIардихъ девлет ава, анжах ам гзаф мутIлакъди я, лугъудай ванер чкIанвай. Вире хуьруьнвийриз харат устIардикай хъел авай. ГьикI ятIани, са сеферда ам начагъ хъанвай ва хуьруьнвийри садани адал кьил чIугунач ва адаз куьмекни ганач. Текдиз амукъай харат устIарди чан гана.

Йикъар алатиз физвай ва ам рагъметдиз фейидалай къулухъ, къьсабчиди як пайдай кIвалах акъвазарнавайди хуьруьнвийри къатIана. Са юкьуз адавай, вуна вучиз эвелдай хъиз як пайзамач лагъана хабар къунвай. Ада жаваб

гана:

- Харат устIардал чан аламай вахтунда ада гъар юкьуз заз пул гъизвай ва и пулунихъ за кесибриз як пайдайвал гIалабдай. Гила ам рагъметдиз фенва ва пул гъидай кас мад авач...


Винел патаз килигна инсандиз садрани къьмет гумир! Инсандиз къьмет гун патал, адан рикIиз килигна кIанда. РикIе вуч аватIа, анжах Аллагъ Тааладиз чизва. Инсандин са бязи амалар чаз сифте акурла, лайихсузбур ва гунагъбур хъиз жеда, амма гъакъикъатда, акI тахъунни мумкин я.

А. ЭМИРСУЛТАНОВ



## ДУЪНЪЯДИН ХАБАРАР

### Яракьдал таъмин икърар...



Саудовский Аравияди ва Россиядин терефди кыле тухвай рахунра, а королевствода зенитринни ракетайрин комплекс С-400 «Триумф» эцигдайдакай ва дыведин техникадин рекъяй саналди квалайдакай хабар гузва. Идалай гъейри «Корнет» -ЭМ, ТОС-1А танкадин аксина ишлемишдай ракетайрин системаяр, «АК-103» Калашникован автоматар эцигдайдакай малуматар ава. Санлай къачурла, винидихъ къейднавай уьлкведи Россиядин чешнедин яракьбар 2млрд. доллардин къиметда аваз къачуда. Идан гъакъиндай икърар РФ-дин Президент В.В.Путин ва Саудовский Аравиядин пачагъ Салман бен Абдель Азиз гуьруьшмиш хъайила, кутуна.

### Гзаф аялар авай хизанриз куьмекдин пулар...



Россиядин премьер-министр Дмитрий Медведева Россиядин 25 региондиз гзаф аялар авай хизанриз 526 миллион манат пулар ахъайзавайдан гъакъиндай къарар акъуднава. Хизанда пуд лагъай ва адалай кылихъ аялар авайбур сифте нубатда и сиягъдик акатда. Гъеле

2017-йисуз Россиядин 50 региондиз 15,8 млрд. манат ачухнавай. Субсидийри, вири санлай къачурла, 16,35 млрд. манат тешкилзава. 5-октябрдиз и документ РФ-дин правительстводин заседаниедал къабулна.


### Йисан мекъи вахтунин тӀуьн...



Дальневосточный Федеральный университетдин медицинадин школадин Россиядин алимри исандин организм хъуьтӀуьн вахтунда хуьн патал тӀуьнрин къетӀен жуьре арадал гъанва. Адан рациондик цин набататар ва белокар акатзава. ДВФУ-дин недай затӀарин ва технологийрин пешекарри, винидихъ къейднавай затӀари инсандин организм энергиядал таъминарзавайдакай, иммунитет мягъкемарзавайдакай хабар гузва. ХъуьтӀуьн продуктрин сиягъдик: чан алай ва набататрин белокар, гъуьлуьн гидробионтар, ламинарияр квай колбасаяр ва маса деликатесар акатзава.

### Арахисдин чӀем

Арахисдин чӀемедихъ, бактерийрин аксина акъваздай къуватава. Адахъ хирерин гелер фад сагъар къийизва, къекъуьнрин къайда къуватда твазва, даматар мягъкемарзава. Ивидик акатзавай холестериндин къадар агъузарзава. Шекердин диабетдикай хуьзва, бедендин агъурвал тӀимиларзава. Халкъдин медицинада арахисдин чӀемедин куьмекдалди прин



акатнавай хирер сагъарзава, ада дамаррин азаризни куьмекзава. Арахисдин чӀемедихъ галаз бурандин чӀемни къадим заманайрилай эгечӀна медицинада фадлай ишлемишзавай.

### Къарамаларин цӀийн жинс кутуниз – пулар...



Россиядин хуьруьн майишатдин Министерстводи, къве сеферда чпикай артухан берекатлувал къачуз жедай къарамаларин жинс арадал гъида. Идакай «Известия» газетда хабар ганва. Къейдзавайвал, Россияда са каликай ацазвай некӀедин къадар са йисан вахтунал гьалтайла, 5 тонн я. Вилик фенвай уьлквейра а рекъемдин къадар лагъайтӀа 10-12 тонндив агакъзавайди, сир туш.

Гъазурайди: Вадим АГЪАМУРАДОВ



## Чухсагъулдин чар



Гъурметлу школадин директор ва муаллимар! Развилелди хабар гузва, куь ученикди чи частуна къуллугъ авур вахтунда, ада вич хъсан патахъай, намуслувилелди ва дисциплина хуьдай аскер хъиз къалурна.

Ада дяведин техника хъсандиз чирнава ва акъуллудаказ ам ишлемишзава. Ротадин уьмуьрда активныйдаказ иштиракзава, сварщикдин пешекарвиле алакьунралди тафаватлу я, ада вич яратмишунардай патайни – хъсан артист ва манидар хъизни къалурнава. Аскервилин уставар ва насиьатар чизва ва вичин уьмуьрда абур дуьздаказ ишлемишзава. Вичин чирвилер ада хушдаказ къуллугъдин юлдашрихъ галаз пайзава.

Абубекер масадан рикГикай

Гъурметдивди алакьадин батальондин командир, подполковник В. СЕЛКИН

хабар къадай, дамах гвачир аскер я. Адаз вичин къуллугъдин юлдашрин вилик нуфуз ва чГехи начальникрин патай гъурмет ава.

Гъурметлу директор ва муаллимар! Сад лагъай бригададин идарадин командованиеди дерин чухсагъулдин гиссералди квез лугъузва: «Сагърай!

Намуслувилелди ва адалатлувилелди, зегметкешвилелди ва жавабдарвилин гиссералди куь ученик тербияламишнавай, куьн сагърай! Чухсагъул квез, хъсан инсан – Ватан хуьдай лайихлу кас чГехи авунвай!»

Бригададин командованиеди рикГин сидкъидай квез ва куь багърийриз мягкем сагъламвал, бахт ва агалкъунар хъун тГалабзава.

### Скорая помощь ЦРБ Докузпаринского района

тел. 8 928 059 84 90, 8 989 868 03 00

Халкъдин яшайишдин гьалар кГевера ва дарда твазвай, абурун игътияжриз дуьзгуьнвилелди кишиг тийизвай, закондин истемишунриз яб тагана чпин кГвалахар ва къуллугъ идара ийизвай гьакимар гьукуматдин аппаратда гьеле кьери туш. Эгер са гьихьтин ятГани идарада куьн кимивилерал расалмиш жез, абуру пулар тГалабиз хъайитГла, чаз газетдин работникриз хабар це. Чун куь тереф хуьн патал гьар са дуьшуьшда кьаришмиш жед ва чГуру кГвалахриз рехъ тагунин карда гьахъвилин даяхар яз акъвазда. И мураддалди чна, вири уьлкведа хъиз, “горячая линия” кардик кутазва. ТГалабзава чаз чарар кхьин (къуларни чГугуна).

Чи редакция Тел: (8 269) 2-23-45

### «ГОЛОС ЭРЕНЛАРА»

2001-йисан  
ноябрдилай акъатзава

#### Тешиклайди:

Докузпара райондин  
администрация,  
Дагъустан Республика

#### Учредитель:

Администрация Докузпаринского  
района, Республика Дагестан

#### Къилин редактор:

Э.А.ГЪАЖИБЕКОВ

#### Жавабдар секретарь:

А.Э. ЭМИРСУЛТАНОВ

#### Хуси корреспондентар:

Ш.О. ШАГЪБАЛАЕВ  
К.Н.ФЕРЗАЛИЕВ  
В.С.АГЪАМУРАДОВ  
З.Э. МЕДЖИДОВА

#### Корректор:

Ш. ШАГЪБАЛАЕВ

#### Верстка авурди:

А.Э. ЭМИРСУЛТАНОВ

Чандиз вахкай вахт: 14:00

Чанзавай вахт - 17:00

Тираж 1200

Редакциядинни макъалайрин авторрин фикирар сад тахьун мумкин я. Макъалайрин делилрин дуьзвилини патахъай жаваб авторри чни гуда. Макъалайриз рецензия гуьвач ва абур элкьвена вахкузвач. Мадни, чпин макъалайра дегивилер тунал, къилер дегिशарунал рази тушир мухбиривай чна абур редакциядиз ракъур тавун тГалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный  
номер ПИ №ТУ5 - 00256  
от 14 июня 2013 г.

Редакциядин,  
издательстводин ва  
типографиядин адрес:

368750, Докузпара  
район, Усугъчай хуьр,  
тел.8 (8269) 22-345  
e-mail:

gadzhibekov77@mail.ru  
Наш сайт: www.erenlar.ru